

Вань колхоз'ёслы--умой производственной план

СССР-лэн Совнаркомез но ВКП(б) лэн ЦК-ез колхоз'ёсын тысё юосты кизенлэн вылесь порядок'ёсыз сярсы постановление кутызы. Со сяна кутымын на постановление колхоз'ёсын сорговой тысё культураосты кизён сярсы. Кыкез ик та постановлениос преследовать каро одйг цель—эшшо трослы вылэгес жугыны колхозник'ёслэсь инициативазэс но заинтересованностьэс выль урожайёс басытыны нюр'яскон понна.

Колхоз'ёсын сорговой юосты кизенэз планировать карон сярсы постановлениен партия но правительство выль кужымен подчеркивать каро, кыче бадзым иметь каре сорговой юосты кизён агротехнической мероприятилен значениез. Сорговой ю киды'ёс важнейшой условиен луо выль урожайёс басытонын. Социалистической земледелилэнноватор'ёсыз трос пример'ёсын возматызы ни, что умой сорговой ю киды'ёс 20—30 процентлы жуто урожаяз.

Али асьме районысь колхоз'ёсын 1940 арын ужаны производственной план'ёс составлять карыны куткызы. Та планэз составлять каронын но сие обсудить каронын колхозник'ёс активно участвовать каро луо. Соослы юрттоно правленилен ужаз, чтобы составить карем производственной план данлыко мед быдэсмоз.

Производственной планэз составить карыку учконо мар культураосты кизыса колхоз бадзым урожай басытоз но государстволы сёгон планэз быдэстам бере, колхозник'ёслэн трудоденьёсылы тырмыт ю нянь сётыны быгатоз на. Колхозын ужлэсь производительностьэ трослы жугыны понна, бадзым саклык вис'ямын луыны кулэ ефремовской звеноослы, ибо соослэн ужзы выль азинскон'ёс басытон ласянь преобладать каро быдэс бригадаосын ужанлэсь.

Новосибирской областысь сельской хозяйстволэн азымынсьёсызлэн совещаниязы Андреев эш звеноос сярсы вераз: "... укез звеноос'я организовать каронлэн преимуществосыз луо со бордын, нырысь ик, что кона ке гинэ колхозник'ёс пöлысь кылдытэм звено луонлык сётэ колхозник'ёслэсь ужэз тужгес но тырмыт но шонер организовать карыны. Звеноостэм бригадаын, кытын 50 — 80 муртлыд'ясыке, бригадирлы укез быдэ'яны шуггес луэ... Кыктэтиез, звено тырмыт луонлык сётэ инициативалэн но способностьлэн проявиться карысконэзлы... Куиньмегйез, колхозник'ёс пöлысь кылем но рваческой элемент'ёслы, куд'ёсыз колхоз'ёсын пока вань на, звено луонлык уг сёты обществонной трудлэсь палэнскыны яке колхозын нимаз понна гинэ ужаны..."

Производственной планын бадзым саклык вис'ямын луыны кулэ животноводствоын ужасьёслы трудодень гож'янез умой-умой установить каронлы. Али дыре пудо вордон ужын ужасьёслы трудодень гож'ян сярсы инструкциез асьме районысь одйг колхоз но уж выльын уг быдэ'я. Пудо вордон ужын

ужасьёслы трудоденьёс гож'яло йыр'ёс'я, нош прироссэ, количество но мукет'ёссэ эскерысь но овёл. Соин ик куд-ог колхоз'ёсысь фермаослэн ужасьёсы выль качествене ужан понна уг нюр'яско. Озымен, колхоз ас трудоденьёссэ токма гинэ растранировать каре.

Производственной планэз составить карыку котыкыче уж'ёсты учкон дыр'я серьёзно эскеримтэен, куд-ог колхоз'ёс трос трудоденьёссэ производственной планэн пус'емлэсь выльты быдтызы. Планлэсь выльты трос трудоденьёс быдтыса, колхозник'ёслэн трудоденьзылэн ценностез но кулэсмиз. Тани Баяранской сельсоветысь, "Красный октябрь" колхозлэн 1939 арын производственной планаз 60000 трудодень пус'емын вал ке, соос быдтызы 64 сюрэ трудодень. 3800 трудодень луд уже но 200 трудодень колхозын ревизионной комиссилэн ужамез понна мултэс трудоденьёс быдтымын. Нош производственной планын ревизионной комиссилы трудодень гожтыны учкемын ой вал. 2100 трудоденьлы перерасход лэсьтэмын Лековаевской сельсоветысь, "Динамовец" колхозын, 5000 трудодень "Крестьянка" колхозын но 2000 трудодень "Память Ильича" колхозын.

Производственной планэз составлять карыку вань "мелоч'ёсты" лыдэ басытоно, ибо "мелоч'ёслэсь" бадзым потыса, колхоз'ёслэн трудоденьёсы кытсы кулэ овёл отсы пазысько. Соин чэш ик производственной план составлять карыку колхозник'ёсы но колхозницаослы ужан нормаосты пересмотреть каронэз лыдэ басытоно, ибо 1934 арын СССР-лэн Наркомземезлэн инструкцияз учкем примерной ужан нормаос али вужомизы ни. Табере сельской хозяйствосы азымынсьёс—стахановец'ёс, ударник'ёс та нормаосын ужаны гу быгато ни, соос трудлэсь производительностьэ жутыса вылесь но вылесь ужан нормаосты кулэ каро. Соин ик та нормаосты пересмотреть карыса Удмуртской АССР-лэн Совнаркомезлэн пунктэме'я единой ужан нормаос тупатонно.

Колхоз'ёслы 1940 арын ужаны производственной план составить карыны райзолэн но МТС-лэн инструкгор-бухгалтер'ёссылы юрттоно, чтобы колхоз'ёсты азыланын эшшо но юнматыны понна, производственной план данлыко инты мед басытоз.

Осоавиахимлэн 14 лотереиез

Асьме социалистической родинаысытымы азымынсьёс трудшойёслэн куремзы'я СССР-лэн Совнаркомез Осоавиахимлэн Центральной Советэзлы осоавиахимлэсь 14-ти Всесоюзной лотереиез поттыны разрешить кариз. Осоавиахимлэн 14-ти Всесоюзной лотереиез 200 миллион манетлы вить, куинь но одйг манет достоинствосен поттэмын луозы. Та билет'ёсты реализовать карон 15 апрельсен кутскоз, нош утон'ёслэн тиражы 1940 аре ноябрь

Брюховица селоын (Львовской область УССР) комсомольской организация кылдытэмын.



Комсомолкаос—агитатор'ёс сестраос Ирина (палэн палаз) но Елена Колпачкович дасясько СССР-лэн но УССР-лэн Верховной Совет'ёсазы быр'ён'ёс сярсы беседая.

Ужен кивалтыны кулэ

Бозинской сельсоветысь, "Новый путь" колхозлэн председаелез Андрей Федорович Ельцов, аслаз уженыз мылысь-кыдысь уг кивалты. Со даже уг тоды мар ужын ужалляло колхозник'ёс но колхозницаос.

Колхозник'ёс но колхозницаос торф копанын ужаса 281 воз дасязы, кытчы быдтызы 63 адями но 28 вал нунал'ёсты. Колхозник'ёслэсь торф копанын ужамзэс Ельцов эш дасэти нуналаз гинэ тодыз. Соин сэрентатын ужасьёслы ужан норма но установить карымтэ вал.

Колхозлэн председаелезлы Ельцов эшли нимысьгыз саклык вис'яса колхозной производствосен кивалтыны кулэ. Овёл лэзылоно сое, чтобы колхозник'ёс но колхозницаос асьсэос асьсэ понна лэземын мед луозы. Соосын нуналмысь кивалтоно. Ельцов.

Водолаз'ёслы выпуск

Ижевскысь горсводын водолаз'ёслэн курсы быре ини. Та курсын 11 мурт комсомолеш'ёс дышетско. Ваньзы ик соос Рабоче-Крестьянской Красной Армилен но Военно-Морской Флотлэн радаз опытной водолаз'ёсын мыныны дасясько. Ву вылысь йё бырем бере курсант'ёс практической уж борды кутскозы. Практической уж понна Освод 18 выль лодкаос басытэ.

Чемберленлэн верамез

Лондон, (ТАСС). Рейтер агенство ивортэ, что общинаослэн палатаязы Чемберлен речь вераз. Со уно вераз советско-финляндской мирной договор сярсысь. Чемберленлэн веламысытыз адзиське, что со туртйэ доказать карыны сое, что Англия но Франция ласянь Финляндилы юрттэт бадзым сётэмын вал. Но та юрттэт возмам результат'ёс оз сёты, соин, что та ужын янгыш луо Швеция но Норвегия. Соос оз сётэ эрик англо-французской войскаосты асьсэ территория выльты Финляндие нуныны. Чемберлен вераз кыче военной материал'ёс Англиен но Франциен Финляндие лэземын вал. Чемберлен Германия выль йыркурен урдйськыз со понна, что Германия, пе, Швеция но Норвегия выль давление лэсьтэз англо-французской войскаосты Финляндие лэзентэм вылысь. Чемберленлэн верамаз Швеция но Норвегия сярсы уно йыркурен кыл'ёс верамын. Чемберлен четкытэз Швецилы но Норвегины нейтралитетлэсь палэнскыса огазаяськыны мукет странаосын (Англия но Франция сярсы верамын), куд'ёсыз дасесь соослы юртытымы.

Уэллелэн ветлэмез сярсы но Гитлерлэн Бреннерын Муссолиниен пумиськемез сярсы Чемберлен вераз: "Та пумиськонлэн бервылыз котыкыче мед луоз, ми солы дасесь но ум палэнске со цельлэсь, кудйз понна ми та война пырыським".

Азыланыз Чемберлен ивортэ, что Скапа-Флоу выль берпум германской авиационной налет дыр'я 20 бомбаос куштэмын вал. Одйг корабль сөремын. Скапа-Флоу районысь муз'ем выль 121 бомба куштэмын бадзым кужымен но 500 ёрос жуась бомбаос.

Войналэн азыланын мынэмез сярсы Чемберлен вераз: "Куд-огез тужгес но решительной политика нуон пала дур басытозы. Ми валаськом со ответственностез, кудйз правительствос выль усе, но милемыз авантюрае уз кыске, кудйз милям малпанмыа, азинскон басытыны уз быгаты, нош кышкытлык кылдытоз но, куашкан азе вуттыны быгатоз. Дыр но инты, ку ми шуккет сётыны быгатом, самой малпам решениос вылын гинэ лэсьтэмын луыны кулэ."



Финской белогвардейщинаен нюр'ясконьсы участник—Советской Союзлэн героез младшой командир стрелок-радист Федор Иванович Лопатин

толэзе ортчоз.

Асьме районысь осоавиахимлэн райсоветэз та билет'ёсты трудшойёс пöлын вöлдыны понна али дасяськон уж'ёс нуэ ни. 17 мартэ осоавиахимлэн райсоветэзлэн ортчез пленумезлэн участник'ёсыз та сярсы конкретной мероприятиос орчытыны тупатызы. Соос 1-ти маез асьме районлы сётэм билет'ёсты реализовать карыса быдэстыны обязательство басытызы.

Решетников.

Пичи фельетон

Величать карисьёслы сй но дан

Адямиос пöлын адямиос вань, соин ик ваньмызлэсь соослэсь характерзэс но привычказэс тодыны туж шуг. Адямиос пöлысь, кудиз шуом, фамилиеныз верамлы гинэ шум потэ, мукетыз, матысь годмозэ якэ мар, нимыныз верамлы но уг жожны, куйнметйез кушем нимын вераськемлы но тау каре. Копак мукет сям'ёссы Пудемской сельполэн столовояз ужась буфетчицаослэн Ходырева но Егорина эш'ёслэн.

Куд-ог клиент'ёс столовое лыктыса Ходырева якэ Егорина шуыса вазыло ке, соос ымзэс-нырзэс, кыче ке не бадзым цирк'ёсысь клоун'ёс кадъ, кисыр'яса клиент'ёслы вазисько. Соос обязательно айы нимынызы величать каремез возьмало. Шуоно Нина Степановна якэ Надежда Андреевна, соку гинэ таослэсь нетсэс шедьтод.

Токмаен ик öвöл тросзлы столовое сиськыны ветлйсьёслы татын туж шуг сиськыны луэ. Тужгес но пöртэмесь кулэтэм кыл'ёсты кылоно луэ клиент'ёс 5 час орточе бере. Жытазе рабочийёс но служашойёс ужзэс быдтыса столовое сиськыны мыно. Нош столовойын якэ сиён та дыре уг луы, якэ нянь „быремын“ луэ ни. Нянь, конечно, кин-кин понна уг луы, нош сельполэн контораяз ужасьёслы котьку ик вань. Марлы бен таослы нянь уз луы, таос буфетчицаосты Нина Степановна якэ Надежда Андреевна шуыса величать каро ук. Соин ик соослы сй но дан.

Столовойсь сиён'ёслэн зечлыксы усем'я но лыдыз синем'я, татысь ужасьёс клиент'ёсын эшшо но урод относиться карыны кугско. Соос асьсэлэсь бездельничать каремзэс калык шоры кесяськыса ватыны туртско.

Столовойын ужасьёс туж амалось. Соос добиться карыны туртско сое, чтобы калык столовое ветлемысь мед дугдоз, соин ик ужэз умятон ласянь номыре но уг лэсьто. Нокинлы но секрет öвöл, что бöрысь нунал'ёсы столовойсь картофельной суп сяна номыре но шедьтыны уг луы. Умой луысал, конечно, со умой но дун ке дасьтэмын луысал. Но со озьы öвöл, картофельной суп йырси гонэн но мар сураськыса сёйське клиент'ёслы.

Павел Поздеев.

РЕДАКЦИЛЭСЬ. „Горд знамя“ газетлэн редакциез аслаз бам'ёс аз Пудемской сельполэн столовоезлэн ужомез сярись трос полгож'яллыз ни ке но, столовойлэн ужомез тупатскон интые, нуналмысь уллань усе. Со луэ соин, что сельполэн руководительёсыз трудящейёслэн жалобазылы отвечать каронэз уг ярато, снтэмало. Редакция куре следственной орган'ёслэсь решительной нюр'яскыны трудящейёслэсь жалобаоссэс снтэмасьёсын, и озьы, нөконец, пум полоно столовойын луоно безобразислы.

„Мултэс трудодень гожтйз“

Таче заголовкен 16 номерэ „Горд знамя“ газетын „Костромка“ колхозлэн ревизионной комиссиезлэн председателез Владыкин Сергей Андреевич 50 манет колхозлэсь коньдонзэ киултйз шуыса материал

гожтэмын вал. „Костромка“ колхозлэн правлениез „Горд знамя“ газетлэн редакциезлы 11 мартэ оскытон ыстэ, что Владыкин эш, колхозлэсь коньдонзэ ноку но öз киултылы на.

Н. Завадская

Религиозной пережиток'ёслэн вредзы сярись

Религия трудящейёсты угнетать но эксплуатировать карон орудиен луэ. Со возыматэ но тырше юматыны капиталистической пережиток'ёсты выль, социалистической обществовсь калык'ёслэн сознаниеозасы но.

Асьме странаын пырак азе быдтэмын адямиен эксплуатацию карон. СССР в основном лэсьтйз социализм но пыриз каллен коммунизме выжон полосае.

Выль улон вылесь адямиосты будэтэ. Асьмеос иметь кариськом коммунистической сознательностьлэсь бадзымесь рост'ёссь, безбожнич'ёслэсь ростсэс. Асьмелэн быдтэмын религиозной экономической но социальной выжюсыз. Но асьмелэн вань на трос калыкмы, куд'ёсыз религиозной пережиток'ёслэсь мозмытскыны öз быгатэ на, ибс калыклэн сознаниез, кызы ойг пол гинэ öз вералля ни Сталин эш, аслаз развитиосаз бере кыле соослэн экономической положенизылэсь.

Со пережиток'ёс тужгес но бытын возисько. Соос туж бад-

зымесь из'ян вае трудящейёслы, народной хозяйстволы но ичигинэ использоваться уг каро тушмон'ёсын контрреволюционной, шпионско-диверсионной уж'ёс нуыны понна.

Басьтом сыче важной ужез, колхоз'ёслэсь выль, устойчивой урожайёс басьтон понна нюр'яскемзэс. Религиозной праздник'ёс, куд'ёсыз трос интыосын колхознич'ёслэн бытысьтызы быдэстылымтэ на, колхознич'ёслы но колхоз'ёслы шöдскымон хозяйственной ушерб ваё. Кылсярись, кылем арын гужем Вологодской областись, Великоустюгской районысь трос колхоз'ёсын „петров денез“ праздновать карызы. Колхознич'ёс та нуналэ öз ужалэ, нош чукаезыз сю тонаосын масштабтэ но люкамтэ тур'ин зорен котэмын вал. Колхоз'ёс трос ыштон'ёсты чидазы. Религиозной праздник'ёсты праздновать карон обычно орточе пьянствоен, жугиськон'ёсын хулиганствоен. Мордовской АССР-ысь Кочкуровской районысь, Кочкурово селойн жугиськон'ёс луылэмлэн 92 процентэз религиозной празд-

АНАЛТЭМ УЖ

Тодмо ини, кытын умой ужало борд газет'ёс, отын тросазинскон'ёс но луо. Борд газет юрттэ ужан интыысь тырмым'э интыосты шараяны но сое жожен палэнтаны. Озьы ик юрттэ паськыг возьматыны стахановец'ёслэсь, ударник'ёслэсь ужан опытсэс.

Öз вуттэ валаса тае „Металлург“ артельысь руководительёс но первичной партийной организациелэн секретре арез Когов эш. Соин сяна номырин но валэктаны уг луы сое, что татын борд газет поттон уж ас эрказ лэ емын.

Производствоын борд газетлэсь рользэ жугом интые, „Металлург“ артельысь куд-ог руководительёс сое снтэмало. Туз артэн январь толезяз артельлэз вань цех'ёс аз борд газет'ёс пого ке вал, али татын ойг газет но уг поты ни. Артельлэн общай борд газетэз уг поты соин, что татысь первичной

партийной организация редакторын ужаны адями уг шедьты. Нош цеховой борд газет'ёс уг пото борд газетэ материал сётчась öвöлэн. Бадзым муг!?

Чидантэм ляб кивалтэ борд газет'ёслэн уженыз первичной комсомольской организация но. Листопрокатной цехысь борд газетэз поттылызы кинлэн мылыз потэ соос, нош редакторэз татын öй вал. Токмаен ик öвöл, та цехысь борд газетэ марке кулэ öвöл соосты гож'яллызы, со но туж сапырес потылыз.

Азьпалаз „Металлург“ артельысь первичной партийной но комсомольской организациослы чик жегатскытэк борд газет'ёслэсь ужзэс тупатано. Вань цеховой но общай борд газет'ёслы редактор'ёс юматыса, соослэн уженызы по-большевицки кивалтоно.

Пр. Поздеев.

Умой эскизы конкурс

Народной творчестволэн республиканской Домаз художник'ёслэсь пöртэм суред'ёсыз суреданы темаос вуо. Тросэз художник'ёс темаосыз разработать карыны кутскизы ини.

60 выль дышетйсьёс

РСФСР-лэн Наркомпросэзлэн приказэз'я Ижевской педагогической но учительской институт'ёсысь 60 студент'ёс-отличник'ёс Удмуртилэн средней но неполной средней школаосаз дышетыны мыно. Ужаны мынйсьёс пöлысь тросэз экзамен'ёсыз хорошолы но отличнолы сётйзы. С. И. Широков Ижевск городэ математикаез дышетыны кыле, В. Н. Белослудцев эш Кулигинской районэ мынэ. О. Иванова — Кезской районэ.

Выль дышетйсьёс, педагог'ёс 25 мартысен асьсэ предмет'ёсынызы уж борды кутскизы.

Художник Бажутин эш „В разведке“ темалы эскиз дася.

Художник'ёслэн народной творчествовзылэн Домез эскиз дасясьёсыз кулэ изоматериал'ёсын снабжать каре.

Колхоз'ёслы кредит

Удмуртской АССР-лэн Совнаркомезлэн пунктэмез'я колхоз'ёслы сельскохозяйственной машинаос но пудо басьяны понна 1940 арлы сельхозбанк пыр 5870 сюрс манет ссудаос сёт'яны юматэмын.

Таза выжы пудо басьтыны 3 миллион но 340 сюрс манет, технической но специальной культураос кизёнэз паськытатонлы 80 сюрс манет лэзиське. Озьы ик садоводствооз, бакча сион'ёс мерттонэз паськытатон ужлы но 150 сюрс манет кредит вис'ямын.

Сельской хозяйствозеэз электрифицировать каронлы но сельскохозяйственной машинаос басьтыны 900 сюрс манет ссуда сётыны пус'е мын.

ник'ёслэн нунал'ёсызлы усе.

Со колхоз'ёсын, кытын нуиське серьезной антирелигиозной, разъяснительной уж, отын религиелэсь палэнско, религиозной праздник нунал'ёсы трудовой дисциплина нарушатысь уг кары, церковнич'ёслэн происхождения, куд'ёсыз тыршо сельскохозяйственной уж'ёсты куашкатыны, басьто туж зол пезьдэт асьсэлэсь колхознич'ёслэсь. Кылсярись, Воронежской областись, Грязинской районысь, „Победа 1 мая“ колхозын активной антирелигиозной агитация нуыса, 1939 арын „пасаха“ нуналэ ужаны мыныны ойг прогугул но опоздание но öй вал. Колхознич'ёс ваньмыз ик ужаны поттызы.

Калининской областись, Бологовской районысь, Березайской сельсоветысь „Новая советская деревня“ сельхозартельысь колхознич'ёс ойг кылысь отказаться карызы религиозной праздник'ёсты утёнлэсь но выступить карызы обращении „Бологовской ударник“ районной газетын, кудаз гож'язы: „Ми, Березайской сельсоветысь, „Новая советская деревня“ колхозысь колхознич'ёс, религиозной праздник'ёсты признавать ум карыське. Вуоно поповской „никилы“ но „вознесение“ праздник'ёсы ми, обычной нунал'ёсы музэн ик, постахановски ужалом лудын. Милям примермылы последовать карыны

отиськом Березайской сельсоветысь вань колхознич'ёсты“.

СССР-ысь туж трос трудящейёс куштйзы ни дикарской религиозной обряд'ёсты. Арлы быдэ пинал пыртон'ёслэн, церковной брак'ёслэн, церковной похорон'ёслэн но мукет'ёсызлэн религиозной обряд'ёслэн лыдыз синэ.

Религиозной пережиток'ёсын нюр'яскон—трудящейёсты коммунистически воспитать каронлэн ойгеныз важнейшой участокеныз луэ. Та бадзым уж куре вниманиез вань партийной организациослэсь, вань советской общественностьлэсь. Союз воинствующих безбожников организациос антирелигиозной уже кыскыны кулэ советской интеллигенцилэсь паськытэсь слойёссь, комсомольской но пионерской организациосты.

Жаденэз валатэк валэктон уж нуыса, советской бытысь азьло эксплуататорской пережиток'ёсты быдтон понна нюр'ясконо, юрттоно вань трудящейёслы овладеть карыны марксистско-ленинской материалистической мировоззрением.

(1940 арын поттэм „Спутник агитатора“ журнальсь вакчийтэмын).

Отв. редактор—П. МАЛЫХ.

Поттйсь Райсоветлэн Исполкомез.